



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ein hundert Vnwarheytt/ Beneben Achtzehnen vnd mehrern
verfaelschungen der Schrift/ vnd Viertzigen
vngeschickten Consequentzen So in den ersten sibem
kleinen Blettern/ von der halben Præfation ...**

Pistorius, Johann

Coelln, 1595

VD16 P 3043

VI.

urn:nbn:de:hbz:466:1-32834

V.

Nicht weniger ist eyn böshafftige Verlehrung/ vnd offentliche Lügen/das wir Catholische im Sterben eyn falsch vertrauen auff eygen Werck vnd Heyligkeit setzen/ vnd nicht auff Gottes Gnade vnd Barmhertzigkeit im Glauben an Christum abscheyden.

VI.

Derhalben lauter Boshafft ist/das er vnser Lehr vor verlegene vntüchtige Pharisäische Opinion aufgibt.

VII.

Es ist auch eyn böshafftige Verlehrung/das er des Herren Zehenders so wenig denckt/ da er doch/wann er seiner an ihn (Herrn Zehendern) abgangener vnd mit vnmenschlichen Calumnien vnd Lügen wider mich erfüllter Brieff andächtig wurde/ sich seiner bösen Natur vnd Vngeschicklichkeit billich schämen sollte/ Aber weil er solchen herrlichen Mann vnd eifferigen Lutheraner/ so all sein Lutherisch vertrauen auff ihn gesteyffet/nicht alleyn nicht bei dem Irthumb zuerhalten vermöcht/ Sondern auch wegen seiner liederlichen Antwort/das er sovil ehender Catholisch worden/ vrsach geben/darff er zu verhütung mehrern Spotts davon nicht vil anmelden.

VIII.

Ebenfalls ist eyn böshafftige verschlagung/ das er mein frommen Hochseligen Fürsten Marggraf Jacoben (dessen Fürstlichen Gnaden er dieses Geschmeiß zufertigen lassen/ vnd damit vom Catholischen Glauben abzuhalten verhofft) sich mit namen zu nennen schemmt/ Ohnzweiffel das er Hunnius damit sein schimpfflichen mit seiner ewigen Schmach/ Spott vnd Schandt gethanen fehl verdeckten will/ In dem er gedachte beyde Person/ Herrn Marggraf Jacoben seligen vnd Herrn Zehender mit vngעהurem schneublen/ vnd